

摘藻堂四庫全書薈要

集部

欽定四庫全書薈要

集部  
淵穎集卷二


臣董誥詳校  
詳校官助教臣謝登雋



欽定四庫全書薈要

淵穎集

提要



臣等謹案淵穎集十二卷附錄一卷元吳萊撰萊字立夫浦陽人延祐中復科舉之制有司以春秋薦不第後以薦署饒州路長鄉書院山長未行而卒年僅四十四其門人金華宋濂等私謚為淵穎先生據其謚議取經義

元深為淵文辭貞敏為穎也萊與黃潛柳貫並受業於宋方鳳師友淵源具有授受再傳而為宋濂遂開有明一代文章軌轍故年不登中壽身未試一官而在元人中屹然負詞宗之目所撰有尚書標說春秋世變圖傳授譜古職方錄孟子弟子列傳樂府類編楚漢正聲諸書今多散佚遺稿甚夥濂為摘其有關學術議論之大者編為斯本青田劉基序

之碑文謚議一卷別為附錄黃潛稱其文蘄  
絕雄深類秦漢間人未免稍為溢量胡助謂  
他人患其淺陋而萊獨患其宏博則篤論矣  
王士禎論詩絕句有曰鐵崖樂府氣淋漓淵  
穎歌行格儘奇耳食紛紛說開寶幾人眼見  
宋元詩實舉以配楊維禎而其所選七言古  
詩乃錄萊而不錄維禎蓋維禎才人之詩萊  
則學人之詩恃氣縱橫與覃思冶煉門戶固

殊士禎論詩絕句作於任揚州推官時而古  
詩選一書則其後來所定所見又別也乾隆  
四十二年九月恭校上

總纂官

臣紀昀

臣陸錫熊

臣孫士毅

臣

總校官 臣陸費墀

淵穎集原序

太上有立德其次有立功其次有立言三者不同苟有一焉皆足以立乎天地之間而無愧於為人矣自世之言者陋文章之習而高德行之士伸一人於千萬人之上其意將以懲夫末流之敝云爾非所以顯道神德行也古之聖人德脩於身矣而又欲天下皆如吾身之脩也豈惟天下皆如吾身之脩哉而又欲後世皆如吾身之脩也天下盡乎人矣吾身可以及之後世非止乎今

也吾身烏得而及之是則吾德之所被而吾功之所樹者亦斬矣然聖人必欲使天下後世皆有以及焉則立言其可少哉六經聖人之文也所以為天地立心為生民立命為萬世開太平者非細故矣由是以降苟非申韓之刑名管商之功利儀秦之捭闔孫吳之陰謀楊朱墨翟老莊釋氏之淫辭邪說則凡是非不詭於聖人者其於人心世教豈盡無所裨益哉翰嘗讀賈誼董仲舒之文而恨當世不能盡用及觀揚雄之太玄法言又歎



時人少有知者以為豪傑之不過大率如斯故不待論其言之傳否而深為有國者惜之南北混一以來朝廷太平之治垂及百年仁恩福澤結在人心而紀綱法度寔不能無弛先生當延祐天歷之間嘗慨然有志當世之務矣其擬諭日本書蓋其十八時所作也人謂其有終軍王褒之風其論守令鹽筴楮幣事逮今十有餘年執政者釐而正之往往多如其說先生析辭指事援筆頃刻數百言馳騁上下要不失乎正雖處山林未嘗忘

情天下使其在官守言責之列推明古者所以立極成  
化之道為吾君吾相言之當不止是也而先生命不與  
時偶器不求人售素又羸弱多疾未中歲而蚤卒今之  
著于篇者殆猶未盡其蘊也初浦江有宋儒者曰方韶  
父先生師法為學者所宗知名之士如侍講黃公待制  
柳公皆出其門晚得先生尤奇其才而以斯文望焉先  
生貌寢陋言語若不出諸口而敏悟過人得於天性少  
嘗從族父幼敏家竊取書觀之族父知而叩之靡不成

誦博聞強記與之游者皆自以為不及會有司舉進士  
遂以春秋中鄉試北至燕東浮于海好為瑰奇雄偉之  
觀見人固守章句意頗陋之然則先生之所負抱者為  
何如哉惜其學不見於用而世之知者鮮也門人宋濂  
懼其泯而不傳廼彙次其詩文為集若干卷俾翰為之  
序嗚呼翰昔受教於先生竊觀先生之所以用其心者  
期以立乎天地之間無愧於為人焉耳烏暇較一世之  
短長哉故論而序之信是集之不可不傳也先生諱萊

字立夫至正十有二年秋八月二十六日門人金華胡翰謹序

人之所以成名者三曰道德文章技藝皆不可以無師道德以為之根幹文章技藝以為之葩華枝葉生而知之者間世或出人不能皆也苟無師焉如矢之無弓如汲之無綆如醫之無方如車之無御如越人之燕而無為之導矢無弓雖見而不能造汲無綆雖欲而不能得醫無方雖知病而不能療車無御雖有馬而不能同越

人之燕而無為之導則不阻於江河必迷於歧路雖抗其心神羸其筋骨終不能以徑達故器備矣必諧之以律呂然後可以成聲音物有矣必將之以禮樂然後可以致鬼神兵足矣必律之以曲制然後可以平邦國是故搏土為尊而畫之與犧象不異而不可以盛酒未嘗由乎鈞陶也削木為弓而漆之與彤旅不異而不可以穿革未嘗由乎櫟括也人之欲成名而無師焉亦是之類矣予嘗悲今之為文章者皆不如古及見宋君景濂

而心服之嘗為叙其文集以命後進又每慨歎輿圖之  
廣生養休息非一二世何太平遺老就盡漠乎無有繼  
者而天獨私於宋君也及今年宋君以其師吳先生之  
遺文若干卷示予予一讀而駭再讀而敬三讀而不知  
神與之接融融漾漾不知其言之樂之詠之歎之也於  
是乎乃知宋君之所以過人者有自來也昔者孟子謂  
離婁之明公輸子之巧不以規矩不能成方圓師曠之  
聰不以六律不能正五音堯舜之道不以仁政不能平

治天下唐柳子謂今之世不聞有師予雖與吳先生同  
爲浙東人而各里其里無事不相來往不及見吳先生  
今得偶宋君於羈旅且因宋君而得見吳先生之文乃  
知浙河之東以文章鳴於世者無時而乏故竊自慶而  
爲之序且陳其不可無師之說庶有裨於後來者哉文  
林郎江浙等處行樞密院都事前進士青田劉基序

浦陽仙華諸峰蒼翠萬仞其巔絕峻拔之形瑰詭雄特  
之狀金華北山不能過也故其氣之清泚靈秀蜿蜒磅

薄而鍾為名世文儒者固宜有之若存雅先生方公翰林待制柳公則其人也最後深裏先生吳君立夫出焉立夫氣稟尤異負絕倫之才自其少時讀書日記數千百言下筆為文如雲興水湧二先生深所畏愛者也故方公以孫女妻之而且盡傳其學焉凡天文地理井田兵術禮樂刑政陰陽律歷下至氏族方技釋老異端之書靡不窮考含其英咀其華於經史之學益研精究其指歸故發為議論文章滔滔汨汨一瀉千里如長川大



山之宗夫海嶽也如千兵萬馬啣枚疾馳而不聞其聲也嗚呼壯哉他人恒苦其淺陋立夫獨患其宏博者也庸詎非仙華神秀之所鍾而能若是耶惜其蚤世莫得少見于時僅嘗一用春秋薦不第遂隱居講學從遊甚衆凡經指授悉有可觀於是大肆其力於學問文章而卓乎不可及矣嗟夫彼其僥倖一官乘時射利而無片言隻字可傳于世者其視吾立夫雄文偉論馳騁于司馬子長劉向揚雄之間者是果孰為失得哉必有能辨

之者今門人高第宋君景濂不忘其師子雲之侯芭昌  
黎之李漢也收拾遺文若干卷徵予序引夫文豈待序  
而傳者哉然玉韞石輝珠藏川媚異時僊華山下有光  
燭天者必遺文所在也尚何患其不傳哉承事郎太常  
博士致仕東陽胡助謹序

欽定四庫全書薈要卷一萬六千四百二十

集部

淵穎集卷一

元 吳萊 撰

大游賦

并序

毗陵道士盛允升東游會稽予聞其風神穎異被服蕭爽蓋將自是而汗漫六合者也張君子長約同送之賦用是作遂題曰大游

夫何一高士兮獨曠視乎八區朝吾車之夙駕兮夕予至於清都仰天路之迢遞兮挾陵陽而與俱遡剛風而

顛倒景兮浮沆瀣而噲青霞蜚廉起而前導兮擊靈靈  
使後驅素蜺天矯而為纓第兮神鳳襪襪以揭旟恍大  
游之所歷兮撫四海其無家喟塵濁之不可以止息兮  
吾將抵乎崑崙之遺墟嗟東轅之我顛兮探究委之嵌  
穴帝禹告予以所藏兮發濤江之漲雪登桐柏之斬巖  
兮瞰赤城之嵒嶭颿蓬嶠而我欲徑到兮恐蜃樓之明  
滅歛南轉而弭節兮過瀟霍之層峰放盛唐之匯怒兮  
梁魚鼈而躡蛟龍倚巫峽之臺觀兮莽峨嵋之雲松泝

丹丘予定不死兮躋羽國以從容忽浩歌而西邁兮適  
金天之沃野遵黃河而跋石室兮王母被髮以嘯處尋  
泰一與九壖兮貫華陰之幽岨招韓衆而許度世兮固  
內人之弗遑遽覩廼北折而亟去兮出鴈門之嚴寒恒  
嶽縣亘乎不絕兮絕碣石於瀰漫搜赤舄於遺榛兮簸  
樓船乎狂瀾候鷄鳴而直上日觀兮吾特痛夫僊學之  
艱難伊天地之晦冥兮倏陵谷之遷徙遭女媧之降阜  
兮顧嵩少之崛起經陽都之酒家兮躋王屋之石髓披

河上之靈筌兮擿漆園之奧指惟小別而千齡兮復一  
瞬以萬里劃狐鳥之丘垤兮洞螭蛄之年紀心委蛇而  
自神兮形曠蕩其離滓信吹萬之不同兮恒抱一以終  
始胡久居乎寰內兮欲絕出於大荒扳建木而與為陟  
降兮絙鐵鑠於無傷瞻帝車之中運兮闔閭闔以上征  
屈軒轅之蹉伏兮耿招搖之耀鉉引弧井之壘落兮炫  
奎壁之圖章繙龍漢之寶歷兮徹爵鑑之神鄉幸寘身  
於一氣兮卒齊壽於三光宜凡夫之穢濁兮又孰契夫

大道而翱翔自放懷於天外兮眇累塊於千億惕世途  
之嶮巇兮凡螭螳之營役豈耽名而嗜利兮或酣酒而  
溺色諒金石之銷泐兮竟丘壑之堆積唉吉雲之鉅藪  
兮縹步景而我服歎甘露之靈壑兮和冰玉以為食彼  
策精之有書兮吾尚懼夫骨錄之弗得將藥珠之不遠  
兮盡蚪蚪而莫識懿周流而至此兮聿笑傲以言旋樂  
自然之日月兮攬無缺之風煙壓洞庭之浩渺兮展林  
屋之聯緜龍威虺螭而跼踞兮寶鎮晃爛而瑛鮮廼霄

崢之欲拚兮覺鼎竈之猶燃燭大還而蟬蛻兮擊小有  
以鶴翩躬虛無而不宅兮味澹泊以為淵等古今於一  
軌兮混生死其同鄧儼坐在而立蛻兮蘊執袂與拍肩  
真山澤之一臞兮夫豈論乎三墨暨九仙固道術之所  
致兮曷曲謏而究旃馳箋語而往訣兮却永存於上玄  
海東洲磐陀石上觀日賦

粵東游乎海徼兮得偉觀於陽阿登盤陀之疊石兮路  
崢嶸以巍峩天雞號而夜半兮瞰欲出於重波恍玄幕



之沉黑兮惚火輪之蕩摩緬義和之有御兮扶木燬其  
將花渺湯谷之不可以里兮屆高春其幾何嗟世衆之  
安在兮尚昧冥而未旦睹帝車之邪逆兮耿星宿於霄  
漢漸島嶼之萐鮮兮益蓀茫而瀾滂恐闐闐之猶爾夢  
寐兮類蟄蟲之惛亂胡乾極之牽掣兮儼機軸之翕張  
固陰泉之歛烱兮煥燄燧之奮颺煒跋烏之燿熠燦爛  
兮渴喙解羽貌以迭礪械燭龍之燬炳颯昱兮熾額煥  
目頌其方驤縣燔鏡之熒灼炭熺兮鮫人泉客剗濯有

光振頽鼓之焱燼炫輝兮北落辟壘巖嶙前行指綵虹  
之抱戴珥璫兮璀璨燿燿綢繆皇想朱鳥之次舍軌  
度兮豁達蘭轡何間燿鉞乘寒滂潮水之偵倒推盪兮  
散曉霰霞氣之輶輶彩章迴蜚騰於寥廓兮竟瞑眩於混  
茫繫高抗乎氛暄兮僅啓明之獨爍歛遠麾之廣燭兮  
遽羣動之盡躍川后潛精而窟藏兮海童覲曜以聳愕  
蛟鼉揚鬚撥鬣以悠漾兮鴻鶴刷毛挾翅而陵薄莽琅  
琊之躋臺兮漉鯨山而畫其燂也閬羅浮之矚井兮滉

蜃穴而夜其燭也迅夸娥之杖策兮懼追逐而莫之跳  
連也怒魯陽之揮戈兮恠盤礴之弗吾規獲也惟圭臬  
之可測兮奈隙駒之焉託恒鞠明而究曠兮遂壯凋而  
老鑠昔聖賢之有法兮寔蓋渾之同天矧鍊石而凝質  
兮復斷鼇而鎮淵將渤澥之鑿窞兮淪谷底而迭燃抑  
崑崙之嶮峙兮繞巖腹而互旋豈文身黑齒之俯邇所  
出兮貫裸壤以相連或崦嵫濛汜之遠歷所沒兮罄八  
國之窮壖歎嚴冰與飄雪兮曠古莽之鮮覺常眠惕重

蒸與疊爇兮炊炎丘之毒瘴靈烟諒衆人之懵陋兮特  
蜂螳之撲緣偉小兒之辯智兮雖睿哲而勿宣彼凡俗  
之多故兮遇曙朝而即覓誠旦晝之枯亡兮嚮晦昏而  
暫定紛仕學之攘爭兮集農商之鬪迸淫末作以相資  
兮侈利心之百竅儻桑榆之不復滅沒兮盡奪時而力  
政顧鬱儀之恒若溟滓兮庶保躬而固命叫曉籌而催  
闢兮警宵柝而告靜信舉策而豫知兮幸聞鍾而深省  
何觀瞻之不足兮重徙倚以盤桓光已通於一躍兮影

奚候於三竿遯層溟之畢露兮屹東霍之巖巒念列仙  
之獨往兮扼羨門於波瀾劃孤嘯而陟降兮撤蒙部以  
忻歡顧秦越之邈不相及兮又焉論夫遠近於長安

羅浮鳳賦

并序

羅浮鳳者海南小禽也家居自嶺嶠回挈之北上予嘉  
其身負文采拔去幽阻而欲自售其羽儀也是知士之  
抱道德懷文章無微不聞無遠不達豈肯久滯於天涯  
海角之墟而遂已乎雖然予愧多矣乃為賦曰

惟海邦之異產挺羽族之光華育火德而有耀控離垣  
以為家迤赤土之重漲眇丹丘之僻遐顧性命之淺薄  
特般桓於烟霞原夫自南自北載蜚載止蜚不妄集棲  
必倒跼青飾衣衿紺流爪翬信鳳數之多奇類龜臺之  
所使吮夕秀於紫芝嚼寒香於瓊蕊雖斥鷃之同羣固  
驚皇之等美於是本山川之迢遞羨體氣之自然胡虞  
衡之弗及隔瘴癘以能全戒羅氏而弋舉命鳥夷以籠  
遷望上林而奉進跋神嶽以增妍念安期之蓄養受抱

樸之矜憐守一枝於嶺木得數粒於品泉忽獸圈之可  
近任虵微之長捐尚蓬蒿之改觀何鼎俎之容羶當其  
緬南國之蒸爍汴古龍之沉隘宜稟賦之爾殊渺狼眈  
之昏昧裸黑質而無繒甕鱗軀以弗饋奈屋居之何有  
望魚鼈而犇沛胡鷦鷯之種族獨黼黻以藻繪矧鞦韆  
而臆蘭匪距金與羽芬獻麗容而自媒炫靈表而罔害  
將尤物之移人豈凡禽之一槩若乃考黔羸之所毓鍾  
品彙而降祥負英姱而可貴閔草莽而愈彰心恒馳於

北闕跡曷屏於東崗薦董賈之術業熾淵雲之辭章偉  
畎谷之文翟諒備采而有光遯炎洲之孔鵠或聚冠以  
見戕幸全生而特遇肯處遠以回翔儻遲延於歲月恐  
滅沒於殊荒然則偶時景之和暢跋閭闔以凝竚稽師  
曠之補經驗治長之辯語感軒閣之邨圖副舜庭之率  
舞聲格磔而應弦勢盤旋而列簾祠爰居而眩惑奏鵲  
雀以笑侮卵條支而必致毛拂蘇而曷舉彼尋常之猥陋  
雖籬落其若阻相盛德之休明謂萬里而來覩是故士



當貴而自重世何嫌於處卑  
罄山谷之巢穴參朝廷之  
羽儀仰天地之廣大拔聖賢於窮羈  
極英材之銜鬻忍  
道德之擲遺惻朔風以吹  
慄慘寒雪以刮肌屹碧梧而  
弗實挺篁竹以無枝鼓乘傳之壯志  
蘊弃繻之妙姿柰  
負貳之久桔窘侏儒之長飢  
庶飛搏於鵬路終飲啄於  
龍池尚茲鳥之吐數遂歷言而詠斯

歎疾賦

伊天地之常運兮何我生之邁屯  
罹終歲之奇蹇兮斲

一元之泚醇莽門徑其委草兮淒戶牖以凝塵寘冠衣  
而不理兮念動履之艱辛揆世寰之有植兮本胎氣之  
稟育粵襁抱而多危兮謂乳湏之不足胡肌髓之腴削  
兮僅側身而于陸矧食飲之稀薄兮略鋪糜於鼎鍊顧  
廬伍之同處兮雜悲歡與慘哭喑寒暑之中人兮逞菑  
淫而痺毒諒膠轕之無已兮竟沉痾而反覆尚何藥之  
起予兮幸我神之來復惟聖人之所慎兮儼前訓之著  
龜信軀命之寔切兮曷戰兢而自持奈衰風之竊發兮

挾沴血以侵欺漸黃槁而痿蹶兮致釐泗以殿屎高山  
嶮其傷陽兮痛壞木之無枝廣澤淤而積陰兮懼窮魚  
之弗移儻滄腸而浣胃兮特湯齊之我遺庶扶形而矯  
摩兮固臾扁之可期當田野之蕭索兮忽雪霜之交摯  
彼蠢翹之有知兮迺坯蟄而日閤龍何潛而弗蜚兮蠖  
何屈而弗肆相昆蚊之各以其時兮豈長羸之多懟晝  
奔躍而亟思兮夜睥鱖以忘寐人疴攻螫而戕賊兮世  
恙灌熏而顛躓煽狐狸之老奸兮舞鬼蜮之遺智恐病

危之或然兮臨淵谷而增惴紛遂古之開物兮實鉅靈  
之毓酥精日月之照燭兮竅風雷之噓呀寘頭顱而上  
峙兮象山嶽之巍峩縣肺臟以中居兮通脉絡若江河  
蓋全軀而至貴兮宜攝性以享遐肯節宣之乖逆兮恣  
榮衛之慝訛搏羽苞而覓燧兮殆燒灼之見加揚凌枯  
以攪沸兮雖金石其謂何彼衆人之豐碩兮胡衰我而  
微瘠舉世競於塗隧兮獨床衽以栖息矧一旦之即安  
兮置事功而弗獲恐後日之併無此身兮虛名實而罔

績緬嵩少之有隱兮曰烟霞之膏肓指龜策之可箴兮  
懷枿醕而降祥彭祖偃僂而下窺兮尚援藤乎若驚接  
輿蹠蹠以自鑒兮窘霖雨而肆狂漢史病而留滯兮感  
封禪之從行唐傑億而悲憤兮賦棠梨以惋傷顧真材  
之豈不爾遇兮恍景耀之弗彰斂鸞翎而使飛兮縹騏  
足以待驤況我躬之蹭蹬兮愈遲暮以潛藏惜脩名之  
未立兮笑髣髴之先霜抗龍文之鼎鼎兮植虎首之擎  
囊吾尚擬夫列仙之可學兮佩丹訣而不敢忘

起病鶴賦

并序

予少多病嘗作病鶴賦以自況蓋言喑然如不出口身退然如不勝衣後雖稍自振於時亦不克也然其稟已不存矣嗚呼予病久且痼其尚可以未起乎起之在我而已於是復作起病鶴賦并以示知我者

伊元造之播物有九臯之靈禽稟幽心於藻質散縞翅與玄衿倚嵩丘之石室瞰蓬島之清潯眇八紘於一舉曠千里之遙臨然而山多藏陰野積冰雪老松無柯百

草肅殺圓吭塞喑弱脛摧折赤精眇昏纖趾蹙躋胡志  
向之殊卑尚光儀之迴潔匿平林而幕迷壓巨壑之劓  
裂是以前瞻忱愷後顧襟褫投蹤灌木憇影沙坻靜非  
馴擾動若鬲羈徘徊蕭索躑躅險巇奈世氛之混濁憶  
天路之孤危望鴻鴈而不及慙燕雀之陵欺俯爭枝於  
斥鷃遠絕軌於長離顧雲海之日隔窘稻粱之恒飢幸  
樊籠之匪觸豈繒繳之來施亦何恙之不已廼歷年而  
留茲至若高步自怡嘯呼同侶拉颯思奮踉蹌起舞風

生則虛曠露隕則淒楚拊青田之故巢睨華表之遺柱  
夷采薇於崑谷憲含糗於環堵駟蹇剝而罕逢鴻激亢  
以多忤唏胎化之尚然睠帝鄉而延佇抗衆彙而不羣  
懼終身之畸旅於是齟養既久栖跼載寧土木內蓄火  
金外形梳埋碎玉剷除殘腥羨門許其子于玄俗惜其  
鈴屨擿武丁之寓篆發緱嶺之藏經服仙人之上乘擁  
太古之遐齡故能一洗塵滓直溯寥廓仰拂紫宮迴翔  
金閣過夷羊於南維窺辟壘於北落濯長河之奔流凌



倒景之照燭導素蜺之飄揚櫻鶉鳥以距攫躔建木之  
絕標躋神芝之奇藥然後希一真而永固超無極而磅  
礪曰復予之本初竟誰辯其所至之垠鄂惟天地之一  
指忽古今之紛更人何窮而不達物何悴而不榮將人  
物之多變豈禽鳥之異情苟相時而能動雖處困而必  
亨是故邦治身出身顯道行奉周廬於旦夕視萬乘若  
友生負文章之綺麗馳論議之崇鉉一賜則明珠白璧  
再寵則三事九卿方解茲之舊紱庶息我之前黥可無

心於祿位終不日而蜚鳴大舜來鳳於樂奏宣尼致麟  
於文成聊援毫而興起又孰不仰德而聞聲

狙賦

我觀世間何異厥狙狙公執技役我庭除投瓜齧果拳  
養飽腴牽繩拽鑊奮躑嘯呼側身舐談恐懼足跣頰項  
矐矐變幻首顙動因頤指靜類檠株恍惚錯愕滿堂盧  
胡粵自童幼被彩弄錐長跳短踴嬉戲有餘忽然壯強  
精幹猛軀急操襲取智慮畢輸亦復病苦顙頰困臞佯

顛詐死靈藥在壺豈或老衰涕泗垢滂曲頰偃臍鳩杖

給扶相彼仕達綽有時譽巧張鄉評雄跨宦衢文馳觚  
櫝武執戟又橫施爪距憤磔牙鬚高門縣簿伺候趨趨  
豪威勢卿語話躡嚙白虎獻議銅龍握樞摸稜唐手霹  
靂漢符升堂踞坐呵喝擁驅棄律舞法鞭梏刻剗神奸  
出沒拉羸扼軀頑貪集戾盜鹿攘獮貴與利期貨貝其  
儲寵則驕至跋躡同塗膠目塞耳褫冠裂裾行遭倖辱  
泣赴刑辜載觀富盛擅爾里閭經營家室粉飾體膚連

檣白粲負郭黃淤沼池魚鼈峙檻鴨豬業可必得事在  
必圖姱奢服履酒液杯杆窮聲絲竹極色麗姝弗農崇  
奢匪賈積帑自晨及暮鴻弋兎罟分房割典許帚德耜  
齒霜嚙齧舌雷嚙噓侵貧併弱欺憎侮愚春花秋葉更  
宛遞枯先笑後號去車就途胡然比附竟作睽孤餒哉  
氣力孰不丘墟當其為人尚有以娛殘骸斷臂螻蛄爲  
烏或者爲鬼抑又可獻鱗肌角鬣魑魅夔魑一時之頃  
幸不汝拘衆人盡然殆不我誣周公之衣勉強曳婁吳

王之矢巧捷速殂身何置網手且捋茶疇云智譎有是  
勤劬假靈木客通怪山都雖則多幻盍忘爾初呼疇茲  
世莽矣一區視其有作意在覬覦悲歡交禪福禍並趨  
小苛可略山嶽弗殊治安何玩兵亂卒瘡暴秦殄楚勁  
越戕吳三國鼎立材勇俱龍虎烏蛇陽陣陰謀五胡  
雲擾羌羯相屠弓弩甲旗北騎南艦椎擊鼓批却窺骨  
軋攻戰圍噤形勢亢虛塞關在前慎不可踰衰孽在後  
淪胥以鋪時風哀樂史筆賞誅醫國無術鑄人曷模天

開地闢四海濊廬人消物盡萬世斯更惟狙拔扈盤踞  
自如昔非刻狗今豈乘狐我思世故何計有無緝之成  
賦用戒薄夫

定命賦

昔岐周之懿哲兮垂末躅於勾吳延州來之閎博兮秉  
世德以作模予既稟此美質兮叅兩間而與俱日礪礪  
以頡頏兮違陋巷而適通都膺文華之被體兮結雋逸  
以先驅翮黃鵠之千里兮炯驪龍之吐珠倚山丘其峻

峭兮汨河海之盤盂奇材未得以自致兮恐薄俗之淪  
胥叱玄夫為予枚卜兮徵吉繇以弗渝曰心遠而跡滯  
兮何時命之獨拘怊怊其曠懷兮惕惕以深省收羣鷃  
於一默兮守不動於真靜規豪舉於鴻冥兮混牧芻乎  
鹿町胡魁梧之數奇兮彼樸鈍則猶天幸遵大路豈不  
可兮莽荆棘使吾騁亦欲逃於空虛兮走赤日將焉避  
影聿軒騫以有行兮仍轢軻甘所屏離當世之紛紜兮  
合自然於溟涬羌造化之無象兮妙機關之翕張叢生

植之各異兮肖智愚以何常役中心之閑雜兮煽六鑿  
之披猖朝奔騰靡所止兮夕偃息恍若有亡洒屏醫之  
淋漓兮吹招搖之耿光忽而出於神奇兮儵又臭腐不  
得當邈自古之若茲兮哀吾生之不泚畸汝形而益臞  
兮怪汝志之彌蹙言蹇澀以少味兮步踈蹢無所投足  
奮骹齟而衆嘖兮割肯綮以旁觸惟先儒之談王兮固  
卓立以忤俗環車轍而至老兮陳詭詩以遭逐問蘭陵  
悲芳草兮登鄒嶧感喬木慙素衷之陲危兮繇干祀其



芬馥彼曹閭之弗思兮行狹邪如平陸託黃老而險韞  
兮攻春秋以阿曲亂鳬鶴之短長兮衝涇渭之清濁不  
率循於中正兮每僥倖以致夫顛覆豈昔吾之自奮兮  
今獨有此沉憂託松柏之幽蔭兮招鹿麋而與儔俯環  
堵之湫隘兮猶采椽之彫鏤駕柴車之朴素兮亦炫曜  
其華輶等羹藜乎梁肉兮齊衣敝於貂裘窮匪通其不  
鄙兮賤無貴以何羞嗤予音之寡和兮譽汝器之無不  
周斯視聽之既狹兮曾不遇曠與婁麒麟出而野死兮

鳴鸞鳳之啾啾幸定分之有在兮肯他岐之往謀何艷  
陽之駘蕩兮破寒谷之颼颼諒勾萌之畢達兮雖壅閼  
其無由不吾用則亦已兮況斗絕於荒陬終越秣以燕  
刷兮夫何足以自疑

尚志賦

惟太區之寥廓兮紛庶物之馮生藐予身之中處兮鬱  
予志而不得逞竊獨嗜此古學兮指前哲以作程味詩  
書之醇粹兮獵道德之精英悼世俗之馳騫兮吾何有

乎我行將歲月之不我與兮兀淹留而無所成沉憂以  
氣索兮却立而質難攻蹙躑而狹步兮守町疇謂真蹟  
窅瞭目以霧披兮焮竒肱而風厲墮泰華以施簪兮縮  
長河約之帶翔喬皇之晻藹兮叱麒麟使承蓋神若唏  
而犇騰兮劒龜鼉乎濤瀨招屏翳予擗帷兮斬蚩尤以  
褰旆折建木以拍麾兮唉曜靈之西邁將欲往彼鴻濛  
兮授予筭乎霄漢亦或悲此骯髒兮發商歌於達旦溘  
世氛之溷濁兮噓天籟乎崖窾薄高丘以闕遠海兮恒

愀怆而不顧返何儻佃以難進兮曰斂斂而則然顏子  
默而樂道兮曾不滿夫一簞原思澹其居貧兮尚蓬蒿  
之沒垣彼豈不談王術兮甘窮櫛之貌艱秉中心之皦  
日兮輕外物若浮雲諒當時之謂儻兮猶千載稱其賢  
跼吾生之沉抑兮將有繼乎古先炳予室之虛白兮纒  
予文於太玄莽歛歛與時化兮希噌吰而道存棄騏驎  
而蹠躅兮登蹇騖乎前軒淫桑濮之嘈雜兮九韶漠焉  
無聞固泰豆之不世出兮又何見夫榮援彼何人哀時

命兮每嗟卑而嘆屈辱不尚予之志兮仰孟氏之遺則  
繫老農之力田兮且多種而鮮穫矧奇士之環轍兮雖  
凍餒其奚卹增螢爝以日晶兮積埃壒而山巖向汙泥  
求夜光兮經劫火見垂棘惟傳巖之版築兮扳南箕以  
興國亦有漁厥磻溪兮擢赤鯉以予翼挺爾躬之豪崛  
兮肯受人之羈勒惇鄒魯之雅言兮建燕趙之矯節糅  
瓊靡而我餐兮羅翡翠以為服秉剗剗而剗裁兮鋸和  
鸞以游息撫鴻荒其若今兮觀六合為予窄齊窮達於

一塗兮與聖賢而同域  
翩丹穴之蜚鳳兮粲九苞之翕  
翫將乘之以覲舜文兮孰知予情之至極

索居賦

粵吾生之寡好兮恒孤陋以索居  
步中庭以自念兮心抑鬱而不舒  
貼予身之兀處兮撫萬化之殊塗  
豈寰區之迫陋兮杳不知其所趨  
惟世氛之溷濁兮尚蓬藿之藏匿  
將奮迅而激昂兮又遑迴以沉默  
去衆人之佻巧兮膺泰樸以堅飭  
紛荆棘之枳行兮謂邛崃其繩直  
肩

重任之迢遙兮固邪軫之不力儻泛駕之有求兮策罷  
駕且焉止息巡簷隙而詠歌兮撼戶櫺以悲惻何初日  
之成言兮乃棄予而不我即彼昔游之為豪舉兮曾同  
處乎險巇羌結交以鼓勇兮肯羈囿之遑安抗沙塵而  
志得兮巍弁冕之星攢既文鵠之炳耀兮嗤薜蘿以為  
寒仰睇遠而弗及兮莽浮雲之瀾湧俯聽幽而若來兮  
哀風激夫溪湍汨寥料其無景兮甘崛強以此蟠徒離  
羣以蕭颯兮庶神氣之我完折松枝而拂石兮又植之

以青蘭宜道義之孺嚌兮肯肥癯之異觀董生之談王  
兮且有稱於不遇賈誼之明治兮謫長沙而徑去將屠  
販之汙下兮恐紛紛而改度逮曲學之肆行兮使吾儒  
之愆素古固有此混淆兮矧予今之馳騫寧窮達之措  
懷兮曰美人之遲暮循自然之天運兮芳草藹其發榮  
倚巔岼之絕壁兮臨萬仞之潭泓歎淺渚以澹泞兮樂  
儵魚之不驚構危巢其惴慄兮恍若聞乎鼯鼯非山林  
之忘反兮奈世務之所嬰手不得以豎指兮目又何能



以逃睛因樗散之乏用兮託考槃之遺聲永言抱此幽  
獨兮庸詎釋夫我忼

貧女賦

并序

予春秋二十有二嘗偃蹇不得志因讀史記感甘茂貧  
女分輝隣燭之語故作是賦以廣之

伊太鈞之塊北兮敷動植於八紘茲女蹇其居貧兮乃  
困苦而不得生惟室家之蕭索兮屬多難之來并空展  
轉其寤寐兮魂惕惕如有驚顧儋石之不儲兮支墻屋

之歌傾印鼠跡於床塵兮網蛛絲於門楹胡藍縷而不  
完兮又機杼之無聲凜寒風之中人兮感促織之宵鳴  
拂敗奩之殘蠹兮舊鏡黯以羞明銅釵折其半股兮亂  
髮髡之縱橫拈竹筐之素縷兮箴欲澀而不行亦何心  
於組紉兮況鴛鴦之能成挾故絮以假寐兮耿寒焰於  
孤檠誰哀吾之窈窕兮幸自保其堅貞嗟父母之鞠我  
兮美裳衣而藏匿矧櫛風而沐雨兮身乃罹於荆棘忍  
湏臾於溝壑兮豈敢休乎蠶織欲一眩其盛年兮縱粉

黛而無色美鑽穴與踰垣兮謂善淫之為惑庶容德之  
可全兮雖凍餒其奚卹彼隣姬之纖巧兮日靚粧以登  
樓綴木難之充耳兮插翡翠之搔頭騁茲心之娛冶兮  
舉趙舞與齊謳佩堦蘭以求媚兮祇怨曠之懷憂信怙  
寵以取樂兮盡夙夜於衾裯飛瓊觴以嬌醉兮秉銀燭  
而懽遊恨兀兀以獨處兮欲從汝以為謀細娛聿其可  
翫兮重桑濮之貽羞寫予心於溝水兮恐年華之遲暮  
甘蓬葆而不恥兮豈蛾眉之見妬且絕世而特立兮逮

傾城而弗寤廼蕉萃之或弃兮縱效顰而罔顧紛采彼  
之柔桑兮輕擲金於行路苟力操乎井臼兮微隱德吾  
誰慕繫二南之發政兮由夫婦之所推化尚及於草木  
兮獨不撫乎婢妾利遺秉與滯穗兮豈年登而啼飢儻  
卒歲之無褐兮何功表之足為慨茲道之愈遠兮指古  
人以自期聊援瑟而一鼓兮遂聲之以為詩詩曰有美  
一人兮東鄰子耀金珠兮列紈綺弄姿飾鬢兮匪桃伊  
李朝為春風兮暮則流水曰妍曰醜兮云誰之使見肘

決踵兮我樂乎此樂吾之樂兮勿傷吾貧寵之一失兮  
金屋生塵固榮艷之匪望兮又何必怨夫陽春

淵穎集卷一

欽定四庫全書薈要卷一萬六千四百二十一

集部

淵穎集卷二

元 吳萊 撰

觀孫太古周天二十八宿星君像圖

大圜杳何極  
鼇柱屹不傾  
日月光竄耀  
衆星莽縱橫  
周天二十八  
錯架各有名  
荒哉審厥象  
晃爛奪目睛  
東垣青龍崛  
西園白虎寧  
翺飛鳥隼狀  
偃伏龜蛇精  
紫宮自然拱  
銀漢無復聲  
五行所經緯  
甘石知性情  
上界足官府  
神人居穆清  
譁曄逞幻怪  
頽顙振鏗轟  
跳踉鬼脚捷



酣談獸面頰裳衣互裸襲角鬣紛披鬚豈其太白變嬉

戲類狎嬰或者榮感動威怒流輓槍照臨多芒角躔次

在縮羸揣摩過人料綵繪匪世程伊誰駕一氣得以導

九坑想像陵倒景觀游撫層城虛空何宮宇蒼莽孰節

旌毋寧秉筆際溘此埃風征凡夫本狹見四顧惟寰瀛

夜叉冰蒞呀羅刹炎徼瞠鮫女賣綃出狗夫啣筋爭祗

疑列宿質却混殊方氓山神對我博刻石華山陁海神

靳我畫浪捲滄海鯨天神詎可識萬古欺聾盲星占世



有職畫史吾奚評

病起讀列子冲虛至德真經雜題八首

太虛無停運萬化總一區機鈴妙出入氣質夔然殊春  
鳥春花艷秋蟲秋草枯榮華豈我有變滅僅須臾彭殤  
何壽夭堯跖孰賢愚生年甘肉食死骨委鳶鳥吾知形  
骸在坐此力命拘拑拑焉得已悲哉天地爐

世間豈有極海外猶齊州日月更出沒江河却同流夸  
娥追即死章亥步曷周蠓蚋生不久鯤鵬背吾游神漢

湧滋穴巨鼇戴蓬丘想像或可到徘徊獨懷憂南方祝  
髮裸北國鞬中裘逍遙特爾分智者善自謀

黃帝居大庭華胥嘗默存穆王望西極肆意游崑崙虛  
空乃不閤夢覺絕無垠感變互起滅精神遽飛騫魯儒  
久迷錯周役恒嚙昏蕉鹿真未辯燭龍妄相燉古莽多  
睡眠昇落但步奔幻化自來往至人寧汝論

世人有至巧何者能自然作衰出技藝行險弄機權孔  
周神劍光偃師舞倡妍泰豆計木塗甘蠅觀蟲懸氣鈞

但一範物化匪吾鑄洪纖各以正動植悉根天公輸制  
雲梯墨翟獻飛鳶微矣執規矩彼夫惡得賢

神巫善相人壺子如濕灰扁鵲巧發藥季梁病弗治一  
形苟脫落純氣固委蛇隨火出石壁冰珠沒淫隈彼或  
蜩翼得此猶漚鳥疑中心既怵殆外物盡坑谿幹殼即  
木葉皮膚類嬰孩遠矣列姑射吾為榮啓期

古人合神物螭魅悉將迎蟲蛾亦麋至鷹鵬即旗旌分  
廬通異類禽獸解音聲牧正得虎心狙公識狙情羲農

狀牛蛇聖德泊無名  
廉來挾犀象暴行恣  
狷爭淳澆日以散物  
我兩相驚後世自魚  
肉傷茲橫目氓

大道無崛曲多岐竟  
忘羊窮通偶然值倚  
伏焉可防枯梧元若  
險白犢詎非祥棄車  
儒著盜墜鼠俠攻倡  
情慾心不減宦婚迭  
相攘君臣道未息服  
食競犇亡日暄疑狐  
貉芹臬勝肉梁宜哉  
爰旌日喀喀死路傍

此日忽過隙居人恒  
鮮歡毫毛悉為我體  
節欲求完大盜竊名  
爵小廉捨豆簞熊魚  
徒兩得利義肯兼安  
馬醫

自不辱燕技毋庸干時勢苟未至事功良獨難蕭條白  
麻履慘澹青蘚冠長嘯谷鳴鶴北風江水寒

送鄭獻可南歸莆田寄周公甫

自昔道術本一原後來雜沓乃異轍粵從西漢始立傳  
獨守章句稱專門唐人疏義不改舊宋代理學交相敦  
吾知衆儒此間出遂指濂洛為雄藩當時莆田有先達  
信爾夾漈好弟昆發揮聖賢本根殖評駁遷固枝葉繁  
典禮會通尚可志儀章器數疇能言居然韋編塞篋笥

旋用束帛徵丘園惠施五車却陘隘方朔千櫝徒飛騫  
公車奏上欠大用屋壁藏在傳諸孫世家相承幾譜系  
宗廟所重真璵璫馬圖陰陽太極秘麟史袞斧天王尊  
文苑儒林各突奧父風祖德猶光燉一朝便遽列宿次  
何事夔隔勾陳垣歲晚東游幸我接江城極論餘空樽  
海上山川恍可到閩中耆舊嗟無存考亭過從即闕里  
麗澤講習或艾軒至正須求汝墨斲大和定許吾篲墁  
微颯翔翻剔橘蠹積霰叫嘯招梅魂別懷未盡苦竹雨

歸路亟趨扶桑瞰周君故人我同病名郡重席特爾溫  
尺劍毋令紫氣隱寸膠曷救黃流渾子魚舟通牡蠣浦  
丹荔樹暗枕榔村攜箋送客復有憶卓矣人物撐乾坤  
新得南海志觀宋季崖山事蹟

故國今安在新營忽此山藩王收未燼義將扞邊關典  
禮存周法威儀復漢班開衙旗幟動結寨舳艫環節制  
通江邏檣牌集洞蠻瀧濤多擊磧嶺嶠半榛菅置陣移  
官港惟宮泊女灣狗流疑尾掃龍殞莫髯攀奠殯湏求

繼驅馳獨任艱搶攘殘戍屋殺儆罄居闕玳瑁洲仍隔  
珊瑚島併跼乾餐燧竈減鹵飲輓轡慳道斷無前援民  
哀有老鰥颶掀雲赤暈鯨鬪電朱殷大業從舟盡元戎  
棄仗閑炎丘朝服襲貝闕御弓彎誓僕隨冠冕嬌嚶泣  
劍鐐駛隄衝柵象精衛避籠鵬敗氣徒延喘英颯欲起  
孱一沉知有決再縛懼何顏去矣曾青蓋行哉彼翠鬟  
城危嗟咀閼井辱痛脂斑出督空懸令迴軍却算緩蜀  
瀘家失輿襄漢國忘櫟月照丹心苦風揚白骨頑諛儒



輕戰勇穢史進降  
奸世遠神終在天  
高淚或潛綺羅歸  
北府疆理混南寰  
毒浪悲潺內烟氛  
蒼莽間一時磨石  
處萬里凱歌還

早秋偶然作寄宋景濂

我病三月久問言  
此何時山林日搖  
落草木欲變衰忽  
來臨青鏡何故摘  
白髭千里復萬里  
遠哉鴻雁期  
去年憶吾父羈客  
在廣州今年憶吾  
父官屬大長秋漢  
宮戒服御周典進  
膳羞惜茲不得去  
目斷五城樓

西風吹梧桐一葉兩葉積故書翻有塵雄劍掛在壁時  
非合窮困事到即輝赫除却雙鹿行門前少人跡

故人三兩人江北久羈旅尋香古徑風步屨脩廊雨尊  
鱸寂有味稻蟹紛難數我欲往從之蠻潮正掀舞

悠悠秋夜長夢覺秋月霽有材寧及人無學敢求蛻揮  
來河水絃削作泰山礪吁嗟祁孔賓得失毫髮際

士欲知自重今人猶古人馬卿志封禪揚子述美新當  
時文字間萬世寵辱伸董京不可作愁絕麟乎麟

北山有古寺脩竹炎天涼蛟龍踞兩澗鶴鶴鳴層岡  
心臺月照白鼻觀烟通香可思未到詠此招隱章

陳生愛神仙百日常病十手攀琪樹枝口誦蕊珠笈  
山衣縱橫披石廩樞僂入何如一尊酒自解憂思集

自來閑作詩瘦島與窮郊瘦將闌梁肉窮或潛榛茅  
水流苔間石花亞竹外梢聖愚總灰滅何苦發笑嘲

往者東入海飄然任所如大風戕波浪飛雪洒舳艫  
壯志昔尚少狂游今併無誓登盤陀石重望扶桑墟

泰山高寄陳彥正

泰山一何高高哉極青天世人欲上不可上層巖峭壁  
徒攀緣望中絕頂路已斷石穴上出鐵鎖下絙歷趄相  
鈎連誰歟愛奇者步步喜若癲一心不顧死隻手捩長  
烟毛羣驚迴少虎豹羽族跼墮多烏鳶浩氣剛風搏結  
虛空作世界蜚龍捷鬼鑿開混沌巢神仙道逢四五叟  
含笑使來前黃冠皓髮傲几榻野菜素粥鋪盤筵自非  
爾願力何計此留連當知仰扣曖昧雲霄有頂處得不

俯懾嶄巖箐棧無窮淵嗟茲大凡夫行尸走肉真腥羶  
段碧思家寂可惜李紳戀俗終難鑄舉頭告神人苦乏  
風馬與電鞭藤蘿束縛即絕下但見松柏櫟櫟數萬仞  
石稜突岬橫戈鋌古來秦漢東封不到此惟問梁父併  
肅然日觀嵯峨恍在下蓬萊浩渺空樓船彼云鯨可射  
此謂狗能牽安期羨門一往不復返文成五利受寵驟  
貴祈長年仙人自有真至道何由傳逝焉龍漢延康紀  
去授金璫玉珮篇

胡仲申至

自予與子別三載不幾見白雲日高飛恍若覩子面我  
病久不出衡門寄幽篁子來尚予思嶺路踏蒼蒨當軒  
坐甫定笑語起我倦新文十餘篇筆墨相百鍊口傳發  
秦壁竹簡鑿晉竈考論無差爽風雅有正變世儒弄俗  
學雅曲極熒街羣羊雖冒虎草悅豺則戰誰其制橫潰  
或者瘳瞑眩牛毛獨不多麟角時一現朝廷方太平炎  
海忽馳箭人材需更急巖谷遽乘傳終然務涵蓄可以

待推薦問子古丈夫何人久貧賤首義遠遊冠雙眼爛  
如電西上石頭城大江流一線袖中羽獵賦雲氣擁宮  
殿燕山去子咫尺萬里障冰霰壯哉子此志我喜手脚旋  
撫劒為子歌張燈趣予宴俄其送子歸贈子端溪硯行  
行恐自今宛轉異鄉縣天霜被四野老馬困蒿菽聖人  
猶待時中道匪狂狷蠹魚不負子籤架三萬卷我豈特  
競徒東勞復西驚

觀陳彥正觀景拄杖歌

山人拄杖手自携滿杖刻畫類土圭春秋星辰本不錯  
彼啓我閉疇能齊日出扶桑照濛汜南北廣輪定幾里  
老羲奉駕何太速三足神鳥為之使旦朝舉杖向天移  
插表測景少叅差騏驎過隙不踰晷蟾蜍吐波同報時  
世間惜把天機洩杖底強稱量日月蛟螭變去甲鱗生  
霹靂搜來光彩滅自從宣夜無法傳紛然周髀與渾天  
嵩高窺候尚一律二極隱見仍分躔日南交愛通海陸  
海中諸星却未矚雁門橐籥絕龍沙鐵勒須臾羊胛熟



天高地遠渺八紘章亥豎亥脚力爭出入安穹足議論  
經營鮮洛空璣衡我朝華戎早一統山梯海航萬國共  
火嶠尾閭侵暑熱骨橋魑魅壓冰凍古今陽城一岳臺  
三十六度增減來郭公新製十五表天下日影無纖埃  
吾知渾天爲中國東南海際殊傾側周髀本因勾股得  
崑崙當中標四極茫茫堪輿一氣浮鄒衍九州復九州  
虬螭蟻子託大樹大樹所託終難求嗟哉周渾說未定  
拄杖在手與日覓一行歷術久成書康節算學知何如

觀秦丞相斯鄒嶧山刻石墨本碑

鄒嶧之山在何處始皇立石改名號史籀古文相斯變  
蛟龍盤崛獨精到自都咸陽制六合曰救黔首烹強暴  
鎰深擅更秦新法繁縟盡剋周末造掃除井田設斗筭  
盪滅封建廢圭瑁收兵鑄鑲銷凶器斥塞築城斷梟鷙  
當時大開阿房殿萬世永戴黃屋纛胡亥矜慢不改轍  
趙高指麾豈謂孝四極巡游何功德羣臣刻頌直昇昇  
金虎淪亡竟不守白蛇斂死徒驚譟荀卿著書本性惡

弟子承學愈言老古今聖賢使閣東五三載籍遭煨爆  
越人烏駭汝苦兵斲卒狐呼汝召盜宜哉東市得具刑  
矧痛吾儒有名教太平真君一拽倒枯篁野莽火就燥  
篆家法妙尚鈎勒棗木字肥略顏貌陽冰石經欲驚乳  
楚金蠟匾猶蹢躅文章諛佞合鑄削筆墨壞絕強則倣  
小齋客至無寒具明窓淨几急洒掃後代續刊縱膚淺  
先秦遺跡信堂與鵝鼻峰頭不可上魑魅晝泣駭熊豹  
會尋碣石探之眾乘興去浮滄海櫂

觀齊謝玄卿五洩山遇仙記寄題五洩山寺

曩聞一奇士深入五洩行五洩何處所長溪遶崇岡微  
風生天籟急瀑洒石梁金磬覺欲響縞衣爛迴光綺妓  
開朱閣靈仙坐玉堂偃倭即進謁裊裊鳴璫幸汝得  
大藥於茲赴玄鄉玄鄉且留宴穢臍勿發狂高座瓊輝  
施碧幃琳華張芝英雜桂腦螭髓間鳳漿太容揮四弦  
王母彈八琅羽旗素蜺騫黼黻螭蛇驤眼珠便爽朗肌  
骨遂馨香日星恍在下海嶽極渺茫嗟予頗探勝古路

但縱橫青童邈不見寶刹此相望山峰挿烟霧潭級跳  
冰霜螻螳小窟穴蜉蝣亂飛揚終然雲錦笈照以虎輦  
囊千年或頃刻萬里忽扶桑謝卿自獨往矯首盍回翔  
笑採金明草浮顏安可常

送鄭彥貞仲舒妹姪北游京師

鄭君系本自義門門首植表孝義敦祖孫九世類一日  
聚族千指通晨昏酒食庖匱口共飮衣裳櫛架身同溫  
家宜富饒積粟布里或饑窶資糴殮大宗小宗寔以邈

東眷西眷疇尋源復除曷下省府令延譽靡間鄉閭言  
禮俗興衰顧不重風聲勸慕猶茲存袖中懷文扣所部  
行矣望闕期軒騫燕然何許水陸隔越驛踰月舟車奔  
鄒嶧邳山岱嶽竦蜀江邦瀆河流渾榆關崇墉峙虎駁  
碣石漲海澆蛟鼉北州塵沙遽萬里天邑氣象雄微垣  
昇平多年正黼宸郡國麋至駢肩跟五柞長楊劍戟接  
控弦突騎旌旗翻鴻鴈飛鳴羽未肅魚龍變化光相燉  
世塗人事豈可測儒術政理須攀援嗟予昔者忝俊造

翹足到今勞夢魂乘時一去欲迅奮抱病日劇徒丘園  
阮郎竹林夕並秀韋氏花樹春仍繁榮親顯已在此舉  
惜不往餞空壘樽

嚴陵應仲章自杭寄書至賦此答之

故舊何懸絕閑居欲反招幽并風雪緊楚越水雲遙短  
褐緇塵破長鐔寶氣銷門垣成隱逸筆櫝到畊樵逆旅  
呼燈夕脩閣徹棘朝囊書題蒼藁最發論獻芻蕘舌焰真  
熏灼胸兵劇鍛敷乘軒南國鶴解錠朔庭鵬幹運天垂

斗蜚騰海作潮荃蘭騷地變橘柚貢年凋色采黃朱黻  
音聲徵角韶潛身甘蟄蝮賦命類茗鵲筮仕龜無兆攻  
經教有條秦灰完竹帛漢粕味單瓢畫品翎毛貴鷄場  
爪距驕文章通政理道義勝官僚歲月嗟悠久湖江耐  
寂寂花濃携酒榼柳霽賣餠簫制虎搖金錫驅龜駕赭  
橋流連光景賞播蕩別離謠世笑烏非鵲吾憐狗續貂  
呼號三刖璞忼慨五陵鑣落落山中桂叢叢澗底苗依  
然百將略付與霍嫖姚



富春新創關將軍廟成吳子中携卷索題

吳生病起有怪聞夢中識得髯將軍香火乞靈自此揭  
廟門醜酒樓欄雲我曾久讀名將傳紫金焰眼賴玉面  
漢鼎瓜離強分割楚鋒剽狡輕攻戰天荒地老路不通  
魂升魄降黜秋蓬神仙負劒乃兵解巫覡傳芭真鬼雄  
壯夫本合荊州死嚴祀何哉富春里只今江左四祠無  
狄公髯乎髯乎獨不恨見孫江東

題錢舜舉張麗華侍女汲井圖

景陽宮中景陽井手出銀盤牽素綆鉛華不御面生光  
寶帳垂綃花妬影臨春結綺屹層空璧月瓊枝狎客同  
鴛鴦戲水池塘雨蛺蝶尋香殿閣風日高歡宴驕若訴  
床脚表章昏不寤吳兒白袍戰鼓死洛土青蓋降船渡  
井泥無波井欄缺半點胭脂汙緋雪蕙心蘭質吹作塵  
目斷寒江鎖江鐵

題李伯時寶津騎士校馬射圖

東都天子幸寶津左右突騎多近臣少年據鞍即齊足

青柳絳綃不遺鏃前手引弰如附枝後手放箭箭不知  
羽林劒客塵霧瀾蘭筋蕙腕電聲馳先朝射技兵恨弱  
舊柵毬門馬驚躍軍書到夏風噴河使節通遼雪跑幕  
南宮試士親見來筆下俊逸真龍媒澄心一紙依稀在  
畫家六法猶神彩誰歎醇駟誰牛車收盡騏驥策蹇驢  
男兒虛用懸門弧嗚呼壯哉彼武夫

題姚文公草書杜少陵詩手軸崔仲德所藏

彭蠡東流白泱泱匡廬五老青開張我公宴坐展詩史

燈下搦管草數行目瞭手熟快掣電筆鈔紙擣明含霜  
驚鳳盤迴恣舞躍蛟龍崛強高騰驤當知所貴務道德  
況復不朽傳文章中州故家胄子出累代者壽真儒光  
搢挺端紳尚色正操瓢染櫝仍謀長藉令鍾王可退讓  
勢與董賈同翱翔大兵昔者潰漢鄂南士何處潛茅篁  
北風被髮亟死水明月跨馬勞追亡程朱學術此萌蘖  
姚許論次極審詳立館過庭竟兩得蒐經撫傳疇殫量  
聖朝混一闢海嶽勲武雜還銘旂常麟閣鐫詞照百世

鷄林定價驚殊方，紺宇琳宮鼎負力。  
豐碑鉅碣戈垂鉞，英華燦發永不滅。  
翰墨游戲聊徜徉，崔君妙年幸侍坐。  
安陸遺豪曾取將，半披丹繪久舒卷。  
滿幅縈綰苦襲藏，吾觀河汾數來往。  
敢愧藉湜或汗僵，脩禰短楸未收拾。  
已矣我公今棟梁。

問五臟

我問昔生我繫胎，果何神上顙下負。  
趾五臟交錯陳胎經，已不足乳湮復不勻。  
黔雷不我職，粉飾強為人自宜。

多蓄害無以保命真元氣日詰敗客邪作艱屯彼何瓠  
而肥言貌勇若震此何徽而瘠肢骨弱不伸嗟夫賦命  
間豈不汝由因我誠不汝慊羸嗇胡不均五精被我惱  
訴我蒼蒼旻恍然欲我答天道汝當遵粵自汝有生躔  
次逆星辰矧從汝生後戕賊逮汝身心今本中居與汝  
相主賓汝何不祇敬狂役類風輪坎離漸違行龍虎起  
戰嗔一元竟不守散入萬微塵惟脾制水穀四體承華  
津肴載噤汝口酒漿絕沾唇司祿不上計畀汝藜藿貧

飢腸常九回苦吻添荆榛何天不汝錫服用無箱囤抑  
汝弗事天寢食失鼎茵天本不病汝汝實使病臻汝仍  
不耐病虛躁復善顰內虧但外養衆藥聚毒芬金石草  
木蟲亂投劇斧矴五精恒不寧乖沴積相熏寒增熱或  
壯頃刻異冰薪當知汝五臟獨不與汝親何庸汝反詰  
鬪我似越秦吁哉一臟損五臟遽不醇齒牙漸凋蟲膚  
肉還削皴汝徒臧汝臧軀殼有君臣天曾盡賦汝造化  
匪不仁我聞五精言鑿鑿總有倫曰人本之天辟若泥

在釣一時巧相值萬物混無垠聖愚且同羸毛介與角  
鱗我惟有心肝是號橫目民心肝既屬我榮衛盡絀縕  
徧歷燥濕滑備嘗酸醎辛虐汝重役汝汝得我緇磷蚯  
蚓尚無臟靜夜解唱呻嘲蝶亦復然翺飛媚陽春彼寧  
心肝具物性各有循繆納或土化死生僅昏晨自今我  
即安無往不寵珍忍令百歲後銷變為烟燐曲肱便莞  
簞就口取曉腫五精速歸臟大宅集靈氛張毅喜犇走  
熱中果如焚單豹好容顏饑虎特汝隣二者乃天道我



將何所云作詩示同黨聊以博笑忻

題永嘉唐氏清節處士卷

永嘉古郡控海隈東望萬里連蓬萊龍湫噴天作雪下  
雁蕩拔地穿雲開自宜逸人此遁跡表以清節無留埃  
吾知出處本一軌肯使物我長相猜昔人可仕寔解隱  
圭竇不掃藏崔嵬醉閭騎驢或市過吟逋放鶴終船迴  
今人可隱獨願仕駕馬並駕驅喧阗蘭臺文章與世變  
梓澤賓客隨塵來就中好高欲遠引否則希進將難媒

路途九折足險惡巖壑千疊多風雷直從黃流屹砥柱  
淨洗黑月收烔煤道義榮華果異趣夷齊跼蹐徒驚鉞  
於焉冥心混標鹿况復曠眼窮紘垓春秋栽花色擁砌  
伏臘釀黍香浮杯何山樵蘇採筏舊某水釣泳航灣洄  
平居苟求食飲遂至樂奚問容顏摧伊予頗讀隱逸傳  
恨不徑躡烟霞堆素行傳家即政令虛名掩實須根荄  
晴窓撫卷盡達者禿筆落紙誰詩材人生大節要礪礪  
慎勿枉築懷清臺

白髮辭寄答陳時父

昔予頭燥髮未茁今我頭枯髮先折  
童心尚在顏貌改滿鬢蒼華點霜雪  
朝來抱鏡看未真鏡裏相逢類兩人  
東都貧孟嘆孤劍西丘老康悲故茵  
烏髭每怕不得素素櫛何庸問衰暮  
楓林葉底變風烟藥草莖邊虛雨露  
自非神仙劉阮儔世間容有幾春秋  
情知鶴鶴長朱頂得見鴛鴦會白頭

黑海青歌

越山山有黑海青長拳快眼健羽翎三年籠養未得飽  
萬里驍俊猶飛星黃蘆老葦日摧折白鷺文鴝看磔裂  
腥沾石磧吹遠風髓擊寒岡散輕雪伊人脫手本凡禽  
歲晚連條到上林鉗奴素賤多侯骨騎士虛豪即俠心  
晉宮卽廢身欲死燕國雲銷草如砭嗟非鸞鳳高杳冥  
望盡狐狸衆披靡當時奉使探遠巢兩徼馳兵聞勇鏖  
南土誰知此鷙猛北州驟見爭驚號天鷲薄天垂爾翼  
海青雖黑打可得太平八極無不通函谷何問關西東

小至日觀三山林寔致日經作

昔在江左國閩人有林寔白衣召上殿口誦致日經卦  
爻遽可驗聲樂洞吾冥燮調久不臧民物將何寧前朝  
百喪亂四鄙長羶腥辟王真贅旒兵釁劇建瓴著龜強  
占決福極矧兆形一元不汝體萬蟄安能醒自今發孔  
壁茲欲論漢廷春秋紀菑害河洛推與靈日星本照耀  
川嶽恒流停犇騰狗吠野播盪鯨翻溟於世或間有匪  
天誰所令天功巧旋斡聖造務德刑勾萌草茲甲鼂耗

鳥羽翎和風足氣運化景多年齡私疑彼磬錯否者此  
鐘筵徵冬即花綻羽夏因雪零陰陽特揮霍律呂暫聽  
熒毋庸緹室琯便叶茅堦莫嗟予偶撫卷默坐但空廳  
亞歲肇歷數祥雲滿郊垌羲和不可作蠹簡猶餘青董  
生尚爾溺霆也吾鐫銘

大食餅

西南有大食國自波斯傳茲人最解寶厥土善陶埏素  
餅一二尺金碧燦相鮮晶熒龍宮獻錯落鬼斧鐫栗紋

起點綴花穠蟠蛇定州讓巧薄邛邑鬪清堅脫指滑  
欲墮凝瞳冷將穿逝哉賈胡力直致鮫鰐淵常嗟古器  
物頗為世所捐襤衫易冠袞盤盞改豆邊禮圖日以變  
戎索豈其然在時苟適用重譯悉來前大衆幸混一四  
海際幅負縣度縛繩絙娑夷航革船鑿空發使節隨俗  
混民編漢玉堆積筭蕃羅塞鞍韉城池信不隔服食奈  
渠遷輪囷即上據鼎釜疇能肩挿葩奪豔冶盛酪添馨  
羶當筵特見異博識無庸詮藏之或論價裏此猶吾氎

珊瑚尚可擊磧路徒飛烟彼還彼互市我且我枯園角  
端獨不出記取征西年

時儺

古人重儺疫時俗事禳穰歲陽欲改律與鬼寢耀鉞厲  
神乃恣肆魃貳併猖狂偃僮幸成列巫覡陳禁方虎頭  
眩金目玄製炳赤裳桃弧毆菑沴豆礫斃瘴剛八靈悉  
震懼六合高寨張清寧信不害動靜維吾常世塗頗險  
鑿人魅更跳梁狐鼠戴介憤變魑竊香囊煎熬到骨髓



擊剥成疔瘍乘風作國蠹抵隙為民殃自從九鼎沒誰  
使百怪藏瘰寒服褫帛饑窶食閑糧蘆花散汝體橡栗  
饒吾腸地膚竟捲去天孽俱凋傷神荼欲呀啖蝮木蔓  
不長蒙俱強顏貌枯竹無耿光聖言謂近戲五祀徒驚  
惶惜哉六典廢述此時儻章

歲初喜大人回自嶺南遂携兒謬北行送之

乍喜吾親返還携稚子行風沙千里道雨露九重城舊  
帆江湖遠新裝嶺瘴清長秋官屬盛去可接簪纓

此去知何處飄然惜爾年塵飛馳馬埒雪擁讀書氈日  
觀躋攀外雲臺獻納邊文園寧久病要奏上林篇

溪行望故友黃明遠槐塘新墓

往代衣冠日已賒故山棺柳此為家經筵義闕中州魯  
樂調辭譏下里巴涕淚無從餘宿草文章可惜等風花  
嗟茲便欲酬鷄絮目駐前溪有落霞

嶺南宜濛子解渴水歌

廣州園官進渴水天風夏熟宜濛子百花醞作甘露漿

南國烹成赤龍髓棕櫚亭高內撒餐梧桐井壓滄江乾  
栢觀金莖擎未濕藍橋玉臼擣空寒小兒封出香覆錦  
古鼎貢餘聲撼寢酒客心情辟酒兵茶僧手段侵茶品  
阿瞞口酸邨得梅茂陵肺消誰賜栢液奪胡酥有氣味  
波凝海榼無塵埃向來暑殿評湯物沉木紫蘇聞第一  
嶺南六祖禪師菩提樹下藏髮甕子圖歌

蘄州黃梅峙佛場新州獼獠識水香菩提樹間好宴坐  
五色頭髮騰毫光金刀剔落受法戒瓦甕瘞藏傳不壞

捩迴萬夫轟梁棟陶冶千聖掀爐鞴南海標來刹十圍  
北宗望斷六銖衣塵鏡本空空即本風幡非動動還非  
山僧禮拜山鬼護一花五葉開如故寶縷青懸雪嶺烟  
神珠紺結丹丘露世人長物合剝除謝公枉矣施髭鬚  
唐年畫筆石未泐大鑒壇經誰讀得

夜聽李仲宏說廣州石門貪泉

大粵控南海茫然天地陬石門屹有限巖瀑蓄為湫何  
哉清潔名坐與貪濁侔使軺一杯飲蠻貊即繭抽金珠

混寶蛤孔翠爛相繆烏文暎呿陀器物窮雕鏤劇髻蛟  
龍悚織毳虎豹愁島嶼刮欲竭民夷起爭仇聖王不忘  
遠奸暴合汝郵靈若尚嗇貨惡風無時休曉波半枯杓  
渴沫萬戟矛氣機乃日變培克非人謀私疑勢至極實  
爾釁所由妖巫挾左道峒獠稱豪酋支祁妄解鑠蠃蜒  
怒翻舟人鮓或併命吏商豈良籌逝將尋泉源纖滓忽  
不留復思漱泉瀨麓穢悉以瘼洗除崑崙窟䟽淪渤澥  
流一塵了不動六合嚴如秋嗟吾此身小幸獨為國憂

從茲斥聚歛矧彼畜羊牛馬援空意以王陽但衣裘百  
世不易操嗚呼我賢侯

北方巫者降神歌

天深洞房月漆黑巫女擊鼓唱歌發高梁鐵鐙懸半空  
塞向墜戶跡不通酒肉滂沱靜几席箏琶朋捐淒霜風  
暗中鏗然邇敢觸塞外祆神喚來速隴坻水草肥馬羣  
門巷光輝耀狼麤舉家側耳聽語言出無入有凌崐崙  
妖狐聲音共叫嘯健鶻影勢同飛翻甌脫故王大獵處

燕支廢磧黃沙樹休屠收像接秦宮于闐請駟開漢路  
古今世事一渺茫楚機越女幾災祥是邪非邪降靈場  
麒麟被髮跨大荒

天台山花蕊石筆架歌

天台高山屹蒼空山神染石填青紅良工琢之手運風  
閣我綵筆虛玲瓏勾芒香動土膏發蓬萊髓流花作骨  
一雙粉蝶迷宿魂五色斑龍蛻幽窟古硯南披點淡灘  
摩挲鵠眼映豬肝低窺墨池渤澥碧仰倚書鎮嵩峰寒

滿案層巒何處所  
宛陵老兔論功緒  
錦繡心腸吐有雲  
莓苔面貌凝為雨  
翰林學士花生筆  
京洛新來花樣出  
浮花浪蕊一掃間  
嘆息揚雄白我玄

題南平王鍾傳醉搏虎圖

南平酒行山險巖  
日暮猛虎相抱持  
僕夫辟易不敢近  
雙手現出十狻猊  
口乾大喊眼光爍  
腰無寸鐵起徒搏  
沙飛石走風爪牙  
草折林摧雪齧齧  
人強獸勇盡力爭  
形格勢禁過用兵  
英雄變化動霹靂  
富貴偏撻收欃槍



老羅當路叱貉子指揮六州稱刺史摩挲虎鬚淮甸關  
啖嚼虎膽閩城靡少年本是貧少年狂卒成功等醉癡  
盜應有道幸竊柄王竟不死還橫鋌一時豪特誰與畫  
千古畫圖專足戒投弓弃箭浪紛紛馬上愧殺裴將軍  
題袁子仁所藏巴船出峽圖

巴山一帶高崔嵬巴江萬里從天來前夫疾挽後夫催  
黃牛白狗遽船開曉風東回水西上淫瀨堆頭伏如象  
盤旋鳥道怕張帆汨沒龍淵驚棹槩世人性命重濤波

吳鹽蜀麻得利多怪石急流須勇退貪夫險魄謾悲歌  
神禹醜江江更惡五丁鑿路空巖崿舟船可坐尚髮危  
棧閣能行終淚落嗟茲舉目無不然直愁平地即山川  
至喜亭邊聊酌酒長年三老好攤錢

觀唐明皇羯鼓錄後賦歌

上皇天寶全盛年花奴抱鼓踏御筵頭如青山屹不動  
手似白雨敲圓棖大聲嘈嘈忽放肆都曇答臘矧敢前  
小聲籠籠復嘌殺耶婆色難最可憐風吹宮牆欲罷笛

月照邏迤徒揮絃纖蘿不起見秋爽萬杏爭發催春妍  
雅琴清商却爾叱蕃部坐伎還相宣招來燕薊有巨盜  
打破河渭無人烟古先聖人本淡薄堂上堂下俱宿縣  
音和氣順遽感召鳥獸率舞殊踴躍後世辟王寢靡靡  
朝歌北里因師延迷魂淫思苦宛轉鍾磬散亂終沉淵  
吁嗟西京正宸極騁望兩海際幅負金甌一缺遂不補  
寶鼎大震幾於遷心貪音技日蝕甚坐劇藩限空茫然  
一時戎夷共衽席滿耳鼓樂皆戈鋌宋公守正好宰相

魯山花萼聞獻繇百年治亂總由天羯鼓遺聲傳不傳  
觀隋王度古鏡記後題

王家有古鏡軒氏昔鑄成太一來護治玄冥與諸精日  
月鍾璀璨龜蛇助威獰萬靈吐真水全體洞泰清綵奩  
出未半冰片弄光晶寶匣收不動玉鱗聞响聲有身尚  
變化無翼欲飛行恍然百世後流落汾陰城高士觀即  
賞胡僧識還驚金鈿拭膏澤絳碧穿屋楹牆垣照可徹  
臟腑燭能縈涕泣念鸚鵡悲酸逢豹生一朝忽屏跡六

幕黯不明狐狸遞隱現魑魅莽縱橫皮膚峻刮削骨髓  
窮敲榜雷風儻有作厲虐敢紛更嗟吾幸居山猿鹿與  
我爭嗟吾願渡海鮫鰐恐並迎楊氏雀環在張公龍劍  
并因茲訪洞穴得不振冠纓

葉天師松陽邠山石螺子歌

松陽邠山屹嵯峨滿山靈蟠攢蜂窠化生形模但土石  
融結渾沌空江河天高地老忽古色海漲桑淪千載黑  
蝸兒舍窄雨含漿螺女泉枯風墮翼岷峨劫灰本島湄

上黨亂殺寧流澌依稀巖妖弄伎倆想像洞乳堆蛟螭  
元造出生還入死百萬羸蟲那得似神仙道術徒銷解  
蝼螳烏鳶盡殘酷嗚呼靈蟀定終天葉師法筵尚幾傳  
問何不種丹丘不死草人世食之無死槁

觀淮陰龔翠巖所脩古棋經

淮陰老人古棋經廣陵大幕青油廳一江對壘靜晝日  
三楚結陣鏗流星東南賓客少馳檄白黑紋楸即強敵  
坐隱縈迴建旌旆手談劈劒藏矛戟世間風雨長百變

身佩安危知幾戰  
崑河割破半藩籬  
漲海掃空全局面  
樂矣軍中有此娛  
攻城掠野類兵書  
宮殿寢園終草莽  
冕旒章服到鮫魚  
君不見驪山婦姑  
三十六破屋數間  
昏不燭夜來教得  
王積薪滿眼長安  
胡馬塵

觀唐薛調劉無雙傳戲作劉無雙歌

劉家無雙妙春華  
雙眉楊柳臉蓮花  
父母衣裳惜不嫁  
黃銀盛繡駕鴛紗  
涇原軍動霜刃起  
灞澆塵揚奔騎止  
宮闕迴兵掃荆棘  
掖庭數罪輸桃李  
富平押衙老有心

勾曲道士藥如金，  
氈車開幕望陵樹。  
綵筆襃牋聽苑禽，  
一時刻頸空來送。  
中路贖骸還，  
掩慟收魂召魄秦。  
地愁詭姓藏身楚，  
鄉夢古今俠者天。  
聞當風瀝血，  
即功勲手標長劍重死許，  
薄命佳人淚零雨。

東夷倭人小摺疊畫扇子歌

東夷小扇來東溟，  
粉箋摺疊類鳳翎。  
微颺出入揮不停，  
素繪巧艷含光熒。  
銀泥蚌淚移杳冥，  
錦屏晝畫散紅青。  
皓月半割蟾蜍靈，  
紫雲暗惹鮫魚腥。  
徐市子孫附飛舲。



翫然家世雜梵經文身戴弁舊儀形對馬絕景兩浮萍  
殊方異物須陳廷富賈巨舶窺天星祝融噓火時所丁  
島濱賣筴送清冷白龍浸皮暑欲醒玉階涵水夜撲螢  
蓬萊僊人降輜輶扶桑繭絲結綵綰祖洲芝草釀綠醺  
穹龜巨黿動遭刑海神惜寶輶雷霆鄙夫卧病臨虛局  
蒲葵百柄稱使令冰漿蔗液但滿筵石榻被髮氣自寧  
新羅一念終飄零塗脩雉尾吾何銘

題晉劉琨鷄鳴舞劍圖

我行洛陽大道邊一雙蒼鵝飛上天惜哉春水御溝去  
化作胡兒飲馬泉前山鷄鳴夜欲半古劍隨身舞凌亂  
白光虎躍騰雪霜神氣龍蟠貫星漢望中沙漠衣正寒  
舉手顛倒髮衝冠鹿盧蹻動即千里蘭子戲成徒七盤  
人生豈無志事往僅有淚疲兵獨困守劇虜翻強鷙孔  
融才疎不足多索紹衆盛空黃河代公土地仍同患段  
國且塵謾助戈世間壯士但老死凍鐵沉埋何處使千  
秋萬歲青金虬恨不鑄得劉并州

讀書

我病久不出滿床攤我書困仍枕書卧醒即味道腴上  
下千百載纍然猶貫珠夏商既相因秦漢漸不如辭華  
日已勝理義幾精麗但要務真實何心成蠹魚古人有  
精力常欲開廣塗聖文尚埃滅鉛槧寧復餘誰歟志氣  
銳或者事功超數行史家帝隨作黃土墟吾誠不及此  
矯首歎以歔撥書寘床上所愧為世儒

飲酒

昔我不解飲病來持一觥一觥亦已醉二豎敢相撓忽  
然秋毫大況乃泰華輕豈其陰陽足妄使龍虎爭冰蠶  
冰為山火鼠火烘城一元本同氣萬物却異情機關有  
大運稟受通群氓轉移苟不定顛倒尚何營百年定幾  
時愁賦空餘聲踈蹢起自鑒面目吁可驚試攀松樹枝  
復攬芝草莖但當盡此酒不在學長生

黃布幘歌

吳中女兒工治莎織成黃布輕綺羅裁為黃幘四角起

覆我病體清涼多平生受用白木椀人參草席團花錦  
長吟或似閑攻戰大隱全勝好官品上天下地我中央  
崑崙海水瀉四傍南通炎丘日色熾北委寒壑凝冰霜  
彼哉寒凍此炎燬穿透皮膚蒸骨髓招徠獨鶴風有聲  
掃還羣蚊月如水流金爍石況可適磨牙吮血尚呶呶  
心煩欲待竹奴熨背痒詎得麻姑抓我曾無術蔭天下  
天如穹廬蓋四野困來一覺少行人夢過十洲猶走馬  
君不見黃布幬昨日夏去今日秋珍重少陵詩語在微

軀此外更何求

夜觀古樂府詞憶故友黃明遠明遠曾作樂府考  
錄漢魏晉宋以來樂歌古詞

憶昔黃君美如玉老屋青燈雨間宿起翻案上奇俛詞  
前後千年樂家曲予方弱冠學謳歌去問詩騷法若何  
偉茲欲繼三百五佗盡蝦蟹此蛟鼉就中齊代及秦楚  
巾拂鞞鐸爭傳譜清商雅部粲然文騎吹簫鏡雄者武  
心力涵泳到手力抄撮來口力有白醪目力無纖埃時

時弄筆便著句花木禽魚古今趣北岸垂綸楊柳枝東  
鄰著屐櫻桃樹自此相逢二十春一朝門巷閒生塵淺  
殞蓬蘽凍螳噉荒廬寂寞妖狐嘯人世本無金石壽簡  
編零落安能久藝文著錄數百家一二僅存誰不朽一  
二不朽終崢嶸歲遠寢恐山淵平嗟君尚愛古樂府夜  
半松風知此聲

觀唐沈玠續仙傳

手展仙書向此朝起予俗病對芭蕉室閒半夜雲璈動

品縫千年雪髓消閑說茅龍騎太白賸聞木鶴降仁嬌  
秦車漢輦窮天下望斷蓬萊併寂寥

華山仙子紫絲盛露囊歌

華山西望屹蒼空甘露曉降栢葉中紅繡絲囊挹在手  
赤松鶴馭翮長風太平天子千秋節花萼樓前百觴撤  
鸞珀含光映凍酒紫霜結液涵甜雪問囊經緯何所成  
桑洲蠶繭五色明問囊嘘吸何所似栢觀銅掌抗高莖  
誰歟獻螢弄輝燿或者貢雲合溟漠神仙可學僅沾濡



壽祿無期還笑樂古來服食乃若茲一掃穢濁餘肝脾  
啖蛤踞龜何處覓伐毛洗髓到今疑秋月泓泓露泚泚  
華山玉漿起人死彼哉醉胡彼渴羌朱顏綠髮安得常  
諸暨張敬仲家有太一真人蓮葉舟及海上人槎  
二畫軸胡允文題予亦效作二首寄之

華山青蓮搖上清白玉巨藕浸碧泓太一真人來降精  
黃鬚紺葉浮滄瀛手披素書悄無聲坐喝明月逆雲行  
蓬萊駕羽颺風輕宛渠垂螺島雪縈芰荷裳衣挾仙瓊

魚鱉騰御神媧迎大游小游按層城君綦臣綦鎮威獰  
九宮五福莽縱橫祠官脩俎靈爽呈閼殿留鑠光嶽爭  
機槍遁芒天路平蛟龍捧跌溘上征卯金校讎鬱萬嶸  
藜杖吹煖奪目睛扶桑暘谷曉曜頽龜臺石室暮飛靈  
東公西母擁迴旌望中滅沒習若驚海祇稽首西南傾  
曷不從之學長生

瑯琊臺上望海門西厭瀕洞尋河源神濤八月吐復吞  
靈槎萬里擁蛟鼉風號雨蝕硬輪囷苔封枝節蟲蟻根

海人愛奇踏飛掀瓊纓玉弁秋續緇乾糲熟脯歲饕餮  
黃龍叱作蠃蜒犇天吳拔首懼却蹲前窺倒景放光燉  
高攀鐵鎖拓藩垣彼牽者牛孰烏捷彼織有女孰嬋媛  
箕斗龜鼈蕩若噉雷公霹靂慘無魂老石支機類瑤琨  
客星犯漢極怪恠周伯蓬蒿厯劫存剛飈浩氣蕩爾痕  
上帝馮怒罪厥閤叱下直瞰扶桑瞰蜀莊大笑手欲捫  
及早來歸到崑崙

憶寄方子清時子清久留吳中

一別嗟何處相思撫舊蹊月明施瀨北雲起蠡巖西跋  
涉舟車動過從笈篋攜隣光因借燭道味肯吹壘好學  
螢分照論交雁擇栖丘園心薜荔海國氣鯨鯢卷帙籤  
翻蠹謳吟硯發鷺經筵叅老易樂府錄饒輦治法推周  
稼淳風仰漢綈談玄知野馬考字守家雞土域標鞮象  
天圖辯輝鐫遺文多廢墜妙契極端倪獨樹盤桓久平  
蕪眺望低霜林紅玳瑁霧雨碧玻璃屏跡依狐兔銷愁  
對鷺鷥塵書投梵夾美餉挈童鴈櫂葉時遮峒藤梢或

冒谿龍居睨雪瀑虎路躡霞梯出入恒聯袂追隨幾杖  
藜竹山香嶺嶠花島繡湖隄尚義開黌始延儒振席齊  
生徒脩棗脯祭品授蒞黻錦石看還數蒼松倚却題吾  
伊朝屢集渾灝夜同稽自謂菖為歎人疑穀似稊中悃  
真抑鬱外物總筌蹄歲序空流邁濤波益慘悽故袍寒  
擘繭雄劒滑膏羈綠映牽帆水紅黏曳屨泥娃宮釵鈿  
拾甫里筆床齋鶴市歌喉引鱸鄉鱸手挽吳趨誇粉黛  
越產購珠犀富業連橙園菑霖潰稻畦占歸仍浩渺結

客重酸嘶彼此身如寄參商夢欲迷蓬飛甘掃軌桂落  
得通閨俠眼收丹電仙襟化素霓貧期金埒騁賤許玉  
階躋病矣長憂痼閑哉敢恨睽撙除須爾鑷磨刮更予  
篋本欲晞王貢茲猶慕阮嵇猖狂疏奏積輒弱謝畊犁  
習靜求神悟超羣畏俗擠清琴桑有鯉鉅弩蹠非鼃教  
駕傳銜轡觀隅識橈枿鋤芝薰受謫抱璞聞啼性命  
緣窮鬼功名屬嬖奚悠悠鸞與鳳泯泯鹿將麋白谷今  
安駟青霄古執珪毋寧枉隱逸辛苦等黔黎

梳珠伎

梳珠聞自宮掖來長竿寶梳手中迴日光正高竿影直  
風力旋空珠勢側當時想像鼻生葱宛轉向額裁芙蓉  
筋頭交筋忽神駭矛葉舞矛憂技窮昔人因戲存戒懼  
後人忘戒但戲豫漢朝索撞險還愁晉世柸桿危不寤  
徘徊徊奪目睛欹欹傾傾獻玉璫滑涎噐從龍堂出  
煇燿命與鬼骨爭君不見王家大娘材藝絕勤政樓前  
戴竿折市人謹笑便喧城驚動金吾白挺聲

宋度宗御書福王慶壽宮扇

漢家諸侯奉大統會稽故邸王封重歲周甲子壽筵開  
賓客滿堂宮扇來掖庭嬪御侍圖史聖筆逡巡鸞鳳似  
清風外撲龍阜花明月中涵鏡湖水南國為家日已微  
禮官考禮是邪非前殿君臣朝玉笏後宮父子曳珠衣  
火德盛時尚有扇金商振處無兵戰兵頭老鐵化降雲  
扇底生綃沾淚霰自從一葬息婦原恨身不見孝崇園  
越州司戶眉勝雪舊篋淒涼那忍說



方景賢宋景濂夜坐觀吳中雜詩遂及宣和博古  
圖為賦此

壯歲何心老一儒東游飽食有江鱸詩宗鶴膝蜂腰體  
禮象龍頭豕腹圖三士操琴知爾達八公遺藥忍吾臞  
吳中勝處多朋故話盡寒宵燎葉爐


寒夜憶吳伯雍摘阮寄歌

錢唐吳肅善四絃始平太守舊曲傳晉人風流百世後  
鏗我手指抱膝前鄒嶧孤桐斲美玉神螭拔首蟾嵌腹

縻桑繭勑水色絲孔翠翎敷錦香褥一摘再摘秋風微  
三摘四摘秋月嶺頭輝五摘徘徊南國泣楚女歎湘妃  
六摘揄揚古調韶咸象箛聽來稀七摘八摘復九摘乾  
旋坤回羣龍百怪盡屏跡高如海門潮水飛霹靂遠似  
天河瀉出大荒零數滴驟如昆陽戰鬪犀象虎豹股栗  
亂投機緩似句曲燕飲雲璈洞簧宛轉降瑤席恍兮清  
角惚流徵騶虞伐檀鏘以起悽兮號鐘慄韻泉折楊皇  
琴空嗑然信哉阮咸出入琴瑟造此法豈用蓬萊海上

艤棹萬里求成連妙得伶倫律呂玄中玄粵從東都官  
大予洛陽焚燒到鐘簋杜夔柴玉各有主宋識擊節餘  
歌舞西朝荀勗親校來杜夔舊律多不諧阮咸却超太  
樂論新律樂節高厲民風哀當時謂咸神解勗暗解土  
中玉尺短一米古來成均雅樂竟沉沉幸爾故塚阮琴  
傳到今嗚呼今樂與古樂辟雍老儒悲絕學桑濮巴渝  
日已繁翕純皦繹俱繇邈南風久不生鳳皇久不鳴歛  
君四絃我耳清天下耳根無正聲

淵穎集卷二



總校官庶吉士臣侍朝

校對官中書臣楊世綸

謄錄監生臣張德疇